

竊惟英雄之創業。原出處之不同。官吏之居心。有仁忍之各異。故梁山三劫城邑。蒙恩赦而竟作棟樑。瓦崗屢抗天兵。荷不誅而終為柱石。他若孔明七縱孟獲。關公三放曹操。馬援之窮寇莫追。岳飛之降人不殺。是以四海豪傑。效命歸心。天下英雄。遠來近悅。事非一轍。願實相同。今蟻等生逢盛世。本乃良民。或因結交不慎。而陷入萑苻。或因俯仰無資。而充投逆侶。或因貿易而被擄。江湖或因負罪而潛身澤國。其始不過三五成群。其後遂至盈千累萬。加以年歲荒歉。民不聊生。於是日積月累。愈出愈奇。非劫奪無以延生。不抗師無以保命。此得罪朝廷。摧殘商賈。勢所必然也。然而別井離鄉。誰無家室之

慕。隨風逐浪。每深洋梗之憂。倘遇官兵巡截。則炮火矢石。魄喪魂飛。若逢河伯行威。則風雨波濤。心驚膽落。東奔西走。時防戰艦之追。露宿風殍。受盡窮洋之苦。斯時也。欲脫身歸故里。而鄉黨不容。欲結伴投誠。而官威莫測。不得不逗遛海島。觀望徘徊。嗟嗟罪固當誅。梗化難逃。國典情殊可憫。起生所賴仁人。欣際大人重臨東粵。節制南邦。處已如冰。愛民若赤。恭承屢出示諭。勸令歸降。憐下民獲罪之由。道在寬嚴。互用體上天好生之德。義惟剿撫。蕙施鳥思。靜於飛塵。魚豈安於沸水。用是糾合全幫。聯名呈叩。伏憫虫蟻之餘生。拯斯民於水火。赦從前冒犯之愆。許今日自新之路。將見賣力買牛。共作躬耕於隴畝。焚香頂祝。咸誥化日於悒悒。敢有二心。即祈誅戮。